

藝文

朔脩丹河石堤記

李棠馥

出吾泫闔北百餘武丹水環流浩浩蕩蕩桃花瓠子時  
 有隱憂蒞人綢繆未雨築有土堤為衛是以河循故道關  
 城免沉窳之災膏腴鮮汙萊之患恃有此耳縣志城制如  
 龜夾兩堤堤如蛇邑所以名元武也自壬寅夏霪雨經旬  
 河流暴漲堤岸崩頽比季因循未築遂致河伯歲徙日漸  
 南侵沃土半付波臣雉堞廬舍且岌岌乎有剝床及膚之  
 虞東關首當其衝為害尤急父老累詞控修當事慮時詘

高平縣志 卷之二十一 藝文

舉羸勿動為大庸知及今弗築勢且日益潰決後此更難  
 為功矣余嘗目擊河水夜發澎湃高數十丈直灌濠衝城  
 城門扇鎖以折關落民房衝毀死者數百水患匪輕有堤  
 且然况堤決乎歲丙午夏靖江侯父母來蒞茲土下車伊  
 始余首以是役為言謂無堤無衛無衛恐無城無郭其關  
 一邑之利害實大但度勢量功衝決幾二百丈且岸皆積  
 沙如僅以畚鍤從事必旋修旋潰徒費罔功自非伐石高  
 壘安得一勞永逸因思工浩費繁公帑固無可動若以是  
 重勞百里恐非常之原黎民懼焉可與樂成而未可與慮  
 始也策其上平病官下不病民自可成大功以禦水患計

惟倡義捐輸乃克有濟幸我邑侯熹茲義舉捐俸首倡余  
與方伯畢公各慨爲解橐以助因大集同紳協力贊襄慮  
猶未足復延比邱照光持鉢坐關苦募者數月賴里中士  
民樂善罔惜一簣一勺以助高深而後錙銖所積乃可戒  
事致用也經始於丙午中秋落成於丁未初夏八越日而  
厥工告竣自茲以往原田免陷洪濤關城可奠磐石垂之  
久遠利賴無窮豈但小補云乎哉嘗讀春秋凡有興作雖  
時且義必書以見勞民爲重務耳是役也匠作見工而見重  
里甲無擾而無累所謂以逸道使民雖勞猶弗勞也余初  
從一邑利害起見倡爲是舉省事惟勤罔敢任勞勸導樂  
輸罔敢任怨庶幾可告無罪於維桑耳至捐俸倡修以致  
于來効役永固河防福及城社則邑侯之績且與丹流並  
永矣

高平縣志

卷之二十一

藝文

二

重脩儒學記

李棠馥

吾茲爲晉南首邑蓋太行之沃壤而文獻之舊封也邑有  
學繇來遠矣自昔以文學起家者名儒鉅卿項背相望但  
學宮歲久就圯鞠爲茂草當事恒議鼎新而因循未舉懼  
民勞也歲己丑姜逆煽亂雲中禍延潞澤幸賴

王師聲討全晉以寧適寶生劉公以制科來宰茲土時當兵  
燹之餘勞來安輯憫疾苦而喚咻之邑人歌來暮焉湖望

視學睹棖題傾剝形聖泚滅則喟然動興廢之感曰鼓篋  
擇菜之地烈廢不治士何所考德問業饗射測疎絃歌  
如有司之謂何於是毅然以興復爲己在首捐歲俸爲通  
邑倡而薦紳子衿及鄉三老咸樂輸以濟乃庀材鳩億量  
功命日自燬廡講堂以至祠閣橋門齋廡無不次第繕修  
因其舊而新之期年而告成爽塏壯麗煥然改觀矣時公  
以內艱解綬歸久未礱石以紀其事越十有餘年余在假  
里歸邑廣文劉君佐世詣余徵文以垂久遠嘗聞化民成  
俗興學爲先古者無一地不建學無一民不向學天子辟  
雍諸侯頒宮別其等也庠分上下序列東西昭其辨也春  
高平縣志

卷之二十一

藝文

三

茲夏誦秋禮冬詩易其業也上老坐右塾下老坐左塾殊  
其教也學校之禮至成周而大備品式物采綢繆繁縵故  
多士藏焉修焉息焉游焉耳目所見聳手足所持行志意  
所向往卒不悖於詩書禮樂譽髦斯興勛業爛然周之士  
貴有繇然耳我

國家右文立教推重孔聖自京師達之天下繩邑所在立  
廟崇祠載在令甲春秋上下紀其時牲牢羹醴備其物尊  
簠簋篚精其器章服度數定其儀金石羽籥和其音而又  
董以官師按節修舉且崇其講堂費舍羣茂才異等之士  
而修習其中一以誦述孔子爲宗孔子刪述六經發明五

三王之造如日中天爲萬世師立不通其學不得錄於  
初不行其道不得適於用故學爲醇儒仕爲名臣率由此  
其選也俎豆宮墻吾道根本重地顧可蕪穢不治乎公受  
事亂餘戢十戈而興學校補其闕失文其固陋使士遊聖  
門而見宗廟之美百官之富於以作新其耳目而振勵其  
志意以期發爲文章措爲事業是豈俗吏之所能爲哉春  
秋慎用民力臺觀門廡雖時且義必書書而刺者十九獨  
魯僖公之作泮無譏焉重周道之在魯也頌有之曰濟濟  
多士克廣德心是役也法學一新多士之學習行且日新  
其必離經辨志敬業樂羣博習親師論學取友知類通達

高平縣志

卷之二十一

藝文

四

彊立不返以是化民成俗而媲美成周有餘矣余故深嘉  
而樂道之以告後世云

重修敬一亭記

畢振姬

亭在明倫堂尊經閣之間可以言學矣六經之學博以約  
約主乎收斂無內外一也五倫之學知而行知主乎省察  
無動靜一也一者敬而已矣程子入道莫如敬蓋自小學  
入于大學其於灑掃應對進退之事持養已久是以大學  
始教皮弁祭菜示敬道也采廩敬老也序敬賢也術敬業  
也類宮敬祖也經以詩易理性情倫以綱常立天地有間  
有堂不可以無亭今使閣有藏書堂有尊卑族姓無不至

其中非竊而文之則狎而侮之矣敬之爲道中有主而心  
自存心用之一事他事更不能入者事爲之主也事爲之  
主心可強而不淪況于敬爲之主乎有主則虛無主則實  
兩言皆載近思錄以是內外動靜之說起內欲不出曰虛  
外誘不入曰實則內外未始非一一者敬而已矣子曰執  
事敬要使心之全體整齊嚴肅以爲主流行周浹以爲用  
豈有一念之或岐一息之或間哉新安敬義取諸易以其  
義爲學問思辨之善而善一南軒敬仁取諸書以其仁爲  
視聽言動之禮而禮一濂溪敬誠取諸禮以其誠爲喜怒  
哀樂之中而中一夫似中者延平不以爲中中無主耳中

高平縣志

卷之二十一

藝文

五

無主而禮以定命善以誠身豈復能一哉平日虛心觀理  
豫養之未發而一意一端擇而兩之四之參之伍之執而  
十之百之千之不使撼其心之所不覺覺有持循無將護  
寬假於其私自無放佚於其理私不一而理一也常在曰  
止自知曰獨極深曰幾竦然若有所畏物不奪其心則知  
止安止天矣介然若有所持動不違其心則守獨慎獨王  
矣惕然若有所承心不遺於事則沉幾知幾神矣主一之  
謂敬無適之謂一一以致精致其虛此心無內外動靜主  
敬欤不主上蔡之展托一一以倚萬萬備其實此心有內外  
動靜主察不主金華之存在一爲主二爲用用止于九

九復變而爲一一者形變之始也水火之生化負負之源  
流星辰之順逆政教賞罰之先後鬼神禮樂之始兩至于  
敬用五事事主于思以心作聖聖人之所爲學性情也而  
其所學天地也豈不約而可行哉此亭之所爲作也嘉靖  
詔大小學立亭箴以敬一實以程子四箴四箴所由適於  
敬之路也已當是時五星聚氏氏爲天廟故甚敬祠而重  
祭以嘉靖學有殷殷尙敬敬之失以鬼不能學武丁之學  
是豈主一無適而聖敬日躋哉

今上詔修太學及於郡邑之學學武丁之所學承以大夫  
師長莫敢不一於敬敬德之興也高平敬一亭廢學博劉

### 高平縣志

#### 卷之二十一

藝文

六

君議修難就工武君假令數月一舉成之亭成內外動靜  
皆從敬入經術性情之微倫常天地之大未有致知不約  
之敬者貞夫一也程子因默數倉柱指示學者操存之道  
觀於亭者知學矣以亭主學以敬主亭以其尊經而明倫  
也主敬其益進此而學也哉亭址高於舊二尺柱尋而樞  
常鱗參節錯下可南可北東西墻如肪截亭上偏闕爲兩  
可十四楹朱子言纔覺間斷便已相續然則吏能敬官學  
能敬業已

### 重修三壇記

畢振姬

社壇在東稷壇在正西高平南壇不可識古者長平建國此

其古之侯社乎抑大夫以下立一社其置社也或以地  
主祀風雲雷雨是漢所祀靈星也北齊有瑞答陰也坎寒  
以陰時陰位牲皆黧色喪視掌其禮甚設子路曰有民人  
焉有社稷焉高平三壇皆祀有民人無社稷先後令坐法  
免往歲劉佑君教諭以黑衣奉祀事荆棘莽然址民外卧  
牛馬惡草具縮酒烏鳶下窺其儿攫之內跪起不成老媪  
束短裙爲尸蕪鄉之社蕪國之稷至此其極哉已謀之於  
余余悲里社樹無懸錢歲時叩壘拊缶以爲樂朱絲樂社  
若或脅之高平邑無粉榆之會長吏爲民父母而莫之省  
憂如父老何會武公假縣令佑君以其事請慨然捐金尙

高平縣志

卷之二十一

藝文

七

尉因助以其貲三壇並築畚鍤畢從不數日而工竣餘金  
覆之以瓦春秋工事作之書毀之書絳縣之老罷矣澤門  
有替扶其役而歌者止况於社稷之役哉數日而工竣此  
其社爲樂公石相也春秋鼓社救兵鼓社救水衛先生爲  
秦畫長平之策鬪釁滿坑周齊東西之所爭周漢南北之  
所掠屠以爾朱父子焚以粘木獬以闖賊姜逆水旱螟螣  
之不時固其變也一中散坐白社董威駐輦數十百萬僵  
屍蒸爲疫癘又無地妥其神神其吐之乎光成民而後致  
力於神三壇宜矣抑聞之勾龍爲社柱爲稷者有年殷以  
享易爰稷周以兵屋殷社淮南子曰禹勞天下死而爲社

棄作穠穡死而爲饑升降道不一其人亦若長吏之能  
官與其失職上功曰最下功曰最云乃今三壇恭置小祀  
大呵自此有賢君子其間更行勉之矣樂巴以鬼道治民  
而民治張魯以鬼道治民而民亂三壇陰神使鬼物取以  
形夫吏治之得失蓋亦人事也哉振姬叩雍拊缶相和而  
歌以爲樂鷓鴣而襲諸人間社稷存焉耳武公謫太原攝  
篆高平又僦工修敬一廢亭皆以佑君請勤事其於人事  
知之矣

伯方社倉約記

畢振姬

康熙十一年詔起曲沃衛公公入條復社倉數事尋頒其

高平縣志

卷之二十一

藝文

八

議於天下吾晉院司公祖便其議檄府州縣行社倉府州  
縣奉檄難之吾邑白父母先之勸課紳衿富室自占其有  
以家量當社簿輸之倉以備賑恤各出粟積貯有差邑北  
鄉民極窮振姬數米而身廢且賤猶及見吾鄉人社倉矣  
昔運使父子安鄉長平一倉義莊一倉在邑爲倉上畢氏  
畢氏倉不可問市井斗級開口是皆李斯之倉鼠也豪右  
走利而驚吏胥虎而角且翼民窮卒莫之訾省見其害不  
究其利久矣今衛公之經國昔畢氏之安鄉一也禮家施  
不及國振姬社義莊於伯方輸粟百石社長平於得義輸  
粟五十石爲振姬鄉人家入耳社倉利在鄉不利在邑在



鄉便也在邑不便也民以爲便則安鄉安鄉則重家指謂倉粟在鄉去此乎民以爲不便則危鄉危鄉則輕家指謂倉粟在邑留此乎邑有倉而無倉法傲也有倉費盜抑或視其鄉人之殍不肯發歲以腐鎖封識至紅腐不可食無以賑恤水旱蝗螟疾疫之災豈法哉故法不可不便也

清興踰三十年往年分道賑恤使者冠蓋相望惻然出於至仁之心而法猶未立周禮小行人之官札喪凶荒厄窮爲一書蓋周公之法也衛公將順其美斟酌常平義倉廣惠諸法見爲社倉周公之遺意而奏議焉仁人哉周公施於國縣都郊里各有委積從民利以爲利以三十年之通

## 高平縣志

### 卷之二十一

藝文

九

制國用王安石施於國青苗保甲各有條例滋民害以爲害以三十年之變籌國息無他利民便民害民不便乎民也賑恤水旱蝗螟疾疫之災必有積貯以待之鄉有積貯漢初都鄙廩庾皆滿後周公而民便邑有積貯隋唐洛口黎陽砥柱皆滿前安石而民不便利害較然法亦從可便計矣白父母爲利民先之仁者利法周公府州縣爲害民難之仁者不利法安石周公之法至安石不勝其害宜其逡巡也爲民父母率其紳衿富室徒逡巡於社倉之利害而不賑恤何以鄉何以邑不積貯也何以賑恤則是窮於法也已又安所得常平義倉廣惠之利先之平始元常平

判民欺壽昌請官錢平糶錢不出於庫今其法窮關皇義  
倉利民長孫平請百姓里人計戶出粟粟不出於里今其  
法窮慶曆廣惠利民韓魏公請諸沒官之田承租輸租備  
賑租不出於官田今其法又窮卽不窮而官貯之官發之  
官歛之其害止於不便民貯之官歛之官又費之其害近  
於不仁民與吏胥爭利不勝也卽有水旱蝗螟疾疫之災  
何以救之此非周公之法也朱子誦法周公終以社倉爲  
便乾道四年請府籍常平米六百石夏受粟於倉冬收加  
息十有四年中間息米造倉籍米還府見儲米三千一百  
餘石歲給鄉四十五里石止收耗三升不復加息陸象山

高平縣志

卷之二十一

藝文

知制誥編入淳熙賑恤真西山帥長沙倣爲嘉定積貯仿  
佛周公遺意助王以養其民者也安可以利害廢法哉嘗  
常伏於利之中安石暗於防害故以周公之法籌國息利  
嘗倚於害之內朱子勇於興利故以周公之法制國用比  
閔我友不走遠縣大觀縣爲軍需菽粟乃活不利金生熙  
寧金爲俵本石濠皂隸火衣冠倉精士人領無催牌陳留  
斗經雀升龠家量三老收無斛面兩岸白沙詔損費出穀  
三戶家一石客戶家五斗遊食不占三分青苗書聚歛收  
息舊穀石一斗新穀石二斗因陳無息小饑息其半中饑  
獨其息大饑本待豐年建陽五夫之活法富民有取而無

與貧民有取必有與奸民自取爲盜蒲陽八字之嚴限備  
直一石欵散在廟更十年當造倉催役一石收受須人至  
三百當加廩舉故阻於宿惡宋以官長理償昌交出於里  
門元以保人代結社倉納如此林駟有言民不必甚利無  
害而已矣昔運使安舞鄉五其六數三十穀六其五亦三  
十三十年一變此周公之通也衛公經國始此近可法景  
德安內遠可法開皇實邊將順至仁之心覆於天下安石  
與於不仁之甚者何爲逡巡利害難此社倉之法矣平父  
母先而紳矜富室不敢後官與豪右爭民無不勝也自利  
見其利不見其害雖無水旱蝗螟疾疫之災亦有以待之

高平縣志

卷之二十一

藝文

十一

矣鄉之人皆曰便康熙十三年正月畢振姬記

劉侯建三巖廟記

畢振姬

畢落迤南爲三巖三巖古窮石徐陵與李那書若見三巖  
之峯是也窮三世二姓羿爲大羿佐堯彈九日繳大風長  
隨掀鑿齒疇華之澤輓凶水九子嬰殺之河伯出沒於河  
眇其目遂嬪洛神殪修蛇洞庭之北委其蛻爲山羿數立  
大功除民害堯舜禹變天下羿之勳爛焉庚辰以稷易柱  
柏翳以虞開趙秦羿世爲射官馮珖利决騎日月驅風雷  
沛江河而丘之東世祀宜哉一日醢封豨而帝弗善也終  
堯舜禹之世窮卒不顯時堯舜禹無窮國耶學者病其友

不雅馴往往中羿之不終而讎其窮也邱明屈原劉安羅  
必劉恕所謂說或溢美乃風山推推天子至抽原之野飛  
鳥之所解其羽又何以稱焉然則堯舜禹尊異之非窮之  
矣羿自銀遷於窮聚高辛氏窮于高陽氏窮于承弊食糜  
其間折矢斷弦臂三分垂在外荒語梧鼠距虛之穴以開  
口南曰吁北谷曰苦又北馬澤曰屈黃羊國曰祁諸不得  
姓之國副處曰暴曰過是時窮四鄰諸侯卷衣米莢穀遠  
擯不與通邑之彘狸有懼色而鉏所與粟氏粥氏資氏緡  
氏口引氏屋引氏口以益疎羿見一弓二矢三綸四輿百  
里穗百里程稽之皆窮途也鈞石無所更施用自此天下

高平縣志

卷之二十一

藝文

十一

有窮人之諺少皞氏不才子尤而效之天下謂之窮奇帝  
逐窮奇而處羿夏書曰有窮后羿周虞人之箴曰昔在帝  
羿羿帝制而王侯自爲終身不革夏歎爲富有四海之內  
窮安仰哉窮官武羅伯因熊髡危困皆坐免內外任柏明  
子浞羿喜泥一寒至此自謂寒者窮也卒父子死窮門嗟  
乎羿以窮而不知變張弧載鬼故王柏於有窮距河之日  
筮卦曰睽於窮之滅伯封爭諸侯筮卦曰訟失於當更化  
而不更化也然堯舜禹無羿日月之光以荒壤斷水絕我  
之爲風波之民非所以憂天下也舉長矢而貫天狼洒道  
成梁風雨時叙拂若水之枝之文魚之窟至今得與優游

以於窮功顧不當世祀耶窮左右輔谷汾川風行水漸  
死王兵而參主民莫不星而崇之社而祀之羿功過不相  
掩實臨照窮之子孫而禍福之忍餒而已乎窮泥襲窮之  
號爲逆澆禮復窮其所處於時風八日爲蟲回祿信於聆  
監支魃四日有方二三千之旱冬起雷夏造冰飢厲椒  
辛卯貳委國於寒民大失望益思羿窮果有君子小人哉  
少康四十一年窮氏族有窮遂亡亡夫亡窮者也商之王  
也三變以窮寇勿追頌三藥而不及窮故夏商有窮人無  
窮法窮散處天下子孫仇寒澤不過代北無窮之門其限  
也子行太行曰某諱窮久矣而窮乃在遂行以來窮數如

高平縣志

卷之二十一

藝文

三

懷李商隱韓愈指目其數送之亦已惑矣三安劉侯奉堯  
舜禹德意治泣泣之窮而無告者啼欬憂嬰朝夕加之於  
膝左擁而右餉之四年不以長吏勞苦厭吾民其慈不掩  
其明善不善交頌久之劉侯窮容貌若見所不足然猶生  
枯壯弱日修補殘缺廢墜以爲常是其窮且益堅耶侯甚  
敬祠而重祭初下車憂旱土人請禱之三變侯以祭窮文  
非旱備念伯封爲益所翦泣之自出也當日阻大河而塞  
太行之道昌於原獸水經原公水出泣氏南北甲氏射氏  
涉蓋窮鄉也哉露禱大雨立至窮則必變也廟上漏下濕  
奉蔭浸浸乎題桷像哆剝不治土人望歲得請四年無言

或說雨不知有寒何窮之能爲侯大度廟之前後方廣於舊十弓高敞稱是注礎甍楹棧稅極一時根闌宮榭瓦鱗參而階筋截人餽具工用物雜算其直不取於官庫民家之所出尋就東西繚道及門門高於舊尋門外二河百堞光景屬岸而來此真三巖之峰矣成民而致力於神夥頤窮之爲王沈沈者其據我乎會劉侯遷寧州羿所射彘猶本其地何窮之攄也羿工於射拙於不能使人無譽己今令一羸馬民一大錢李克言窮必視其所守堯舜禹能官人哉毀廟不知所始劉侯大之民賈希珍作之振姬記之侯三安人諱璟字荆公振姬泣之窮人也

高平縣志

卷之二十一

藝文

十四

韓王山玉女池記

畢振姬

韓王山峰南值寺峰拔而壓寺之上石巖巖玉立下瞰城郭樹柿以百數二水掖山以來山盡水合則縣出縣水之巖山之陽也峰北植蒼頡之山山東西開盤繞縣之四面茲山固小山巖而後韓王之山有升氣寺下蜂腰三徑南徑流泉田馬踰韓王所從歇馬者東西徑山後二泉陽陽山巖陰巖陽出巖經之此峰穴出也穴出沃泉曰黑龍陰高平徑之南峰巖也巖出沃泉曰玉女三泉何大乎玉女巖後高平城外石池之一有水一無水爲淵洑有時變焉其巖高平少嶺俱美內地中三八深四尺半弱砥

欵沒地食水可三尺南甯則自刮除成空而狹深注水以龍嘴直頸囑纒容手旱則手浚其泥雨自頸出水及漚滂渟而西派鯢紐下水槩約尺輾嚟接渠走外池池水漫而不泐渠小也下水槩望則不輪渠所從來大則源遙源遙則其委不繼而外池爲智外池之淵淡不智內池輪焉矣外池規九尺深尋外深於內倍尤半而水輪焉者下於內也度完平處更開空不則築垣而居其水也馬鈞列而重水中荇藻不生黑龍鹵而輕嵌竇鐵山水多墨墨蝕石腹敗以飲菘不萑蘆不葦玉女泉甘僧於外池盛蓮風雨駐明香烟露氣相上下花葉清靚不俗高幢若玉女之投壺

高平縣志

卷之二十一

藝文

五

神玉女爾春夏荐草茵魚潛內外如箭舟乙丙游以爲篆鷲守澤見人鳴秋來躡池柳瘦短熱泉之熅燎出口吃吃爲靈冬雪漲空山是豈玉女覆卮耶玉女祠玉池東鱗瓦助階朱丹礪錯刻鏤之用備椽柱翼然無一木中肖象兩玉文本神農少女神農得泉爲瑟書山北聯神農古井一女精衛何兩也聞李梓人構百年李主僧父僧翼以高齋葉五縣度爲南亭石巖北居懸流欲墜門界二池之中括地三十弓徧矣蓋有池次有祠有祠次有亭有居有門有內池次有外池池之所漸致者無不有所以用僧之力甚靈僧父子營一泉埏土嵌石剝木踵頂爲之罷豈有愛焉

夫父澤遠不及子子或不業亦多矣此可以滄自照也山於唐宋元明多人物今李司馬家山陽趙會元家山左往約陳司徒據登峰遲余山右余學山不至於山三日坐韓王之片石思田太史難持贈屬余記遊寺僧愈益喜寺成皆司馬力也老僧文志取一目朴率不甚解經余心識四十七年相見無一語更二年隨張觀察李別駕遊池詢老僧卧山下左右肩肩而多一目者皆非老僧矣山下泉春沙出砌齒齒古寺基彌望造楮之家聖其室楮幣錢幣曰泉泉以類相感亦足以見人之悉力於泉者錢而已矣多錢善賈東徑黑龍泉爲錢眼宜其廢也司馬營寺僧父子

高平縣志

卷之三十一

藝文

十六

營寺泉孰識韓王玉女哉韓王之山實臨照縣之東民而福禍之源泉有歇守物之終始不竭可以興也已

縊女說

畢振姬

爾雅蠅縊女也縊女蟲長寸許頭赤身黑恒吐絲自懸此蟲多民多縊死高平之縊女無日無之其爲蠅也多矣父母在家生縱其性旣嫁而婦姑勃谿夫妻反目或不得於娣姒兄妹之間衣服飲食語言勞逸之相形憤之一死以謝父母父母徇其夫家展轉圖賴聚訟株連鬻鬻其半而後已不復記憶縊女之死生抑何益哉其在三從四德以順爲正者省言下氣隱忍自全其身家則父母訴滿以爲



辱生女得嫁比鄰而因以爲利父母莫不仁矣女亦何樂乎縊也吳苑載東郭妻旣孔雀行之室慶封殺其二子妻亦自經俗傳此婦骸化而爲蟲因以縊女爲名然爾雅斷蠹以爲縊女非春秋內外傳矣子曰匹夫匹婦之爲諒也自經於溝瀆而莫之知也太史公曰計出於無之耳一物不得其死仁人以爲憂憂之不如禁之禁之不如諭之使父母知有其女而已矣生女非以爲利也鍾夫人之禮郝夫人之法自其爲赤子而教已行嫁雞者逐雞貧富貴賤榮辱義反之身則相夫治家有力力不足而委之命有尺寸寬間之地以游其身何樂乎縊哉至於悍姑淫負迫其

高平縣志

卷之二十一

藝文

七

婦以必不能服之役窮其婦以必不能供之求主藏誨盜宣淫作威或三婆二婦嫉其間少婦廉恥猶在懼爲外家短長或色升愛弛棄婦終不可爲而以死徇者公姑爲失教夫伯叔姊姒爲傷恩當痛懲其毀巢覆卵之罪批節尋縊不使以人命爲戲縊女亦從此瞑目矣爲人長者子養鄰邑之男女女不可諭諭其女之父母女死又不可禁禁其女之公姑及其夫之伯叔姊姒三婆二婦仁人爲之發心女其有夢乎聞昔炎帝女溺於海化爲精衛取西山之木石以填海至發鴻至於今不祀高平婦人徃往不得其死則意少女之神而之也非東郭妻也少山北峙少水今

帝流矣少女之祠四隅焉鬼有依不爲厲以鬼道求之在此不在彼也

捕風文

畢振姬

大清康熙十三年六月十四日伯方畢振姬謹約田峻哇  
圃升烟薦茶裸告當筵血殷當午自念振姬退耕伯方十  
有四年伯方之以水旱告者五水不沒洵田旱不澤隱士  
亦不爲災旱必稱苦小旱可藏大旱無補自六月上旬逆  
數由往歲八月火田自六月上旬順數至今秋八月清  
無雨何苗無苗何歲無歲何民無民何吏無吏何備吏下  
所在祈雨閉南門開北樞土龍巫覡徙市通渠牲醴瓜髮

高平縣志

卷之二十一

藝文

六

不敢寧居玉林繁露靈草雨書應上公之尸祝回溟神之  
旛驅自六月上旬下雨所在漸訖雲上豐隆雨來湖澤地  
皆運阡雷無虛日駿馳朝浮雷穿宿滴羸者伯方焦枯告  
急越陌登隴一乾一溼批節尋根半摧半立飄風南來逢  
迎逆擊搖蕩砲車之威掀翻石尤之敵噫氣怒號天晴風  
息伯方寸草順風仆背風僵伯方四隣澤下尺生上尺老  
須從而輟耕鬼神自此廢食六月雨不六月息南風薰不  
南風泣天何棄此伯方風伯於焉溺噫風過錚錚碣碣萬  
馬千幢魚鱗草莽連巢青紅掃碧落其鴻蒙騎羊角剗竹  
宮茅飛敝上葉脫溘以空天群儼忽不見形容捲蓬指其國

其披緇索其犧禴媿姬瞿然起曰必封豨之狡意也堯水  
九年長懸大風封豨爲虐后羿開弓伯封故國湯沐神叢  
死而不祀旱魃紛呶虞夏鳴條有湯乾封趙馬韓布周雲  
龍從雨師不瀨風伯橫衝虹蜺抱日而颺猘猡連箕而終  
太山之雲不雨汶陽之稼一空漢不烹羊鄭不禱龍伯方  
何罪封豨何功此鬱鬱而色變彼調調而心通自言太虛  
授焚造化煽銅虞幕橐籥后夔鼓宗吹塵上下入律雌雄  
翼蠱之先庚後甲觀畜之天上地中勾折伯方之草木豨  
尾伯方之昆蟲太息三巖窮門乃窮入不薦以矜墜我何  
祀夫祝融韓退之官以憂旱程明道學以捕風人旣餒乎

高平縣志

卷之二十一

藝文

九

鬼士何利乎農振姬聞風獄獄不能折角頌尹穆如悲豨  
不學羿叛國非叛民風主生不主殺野荒民散則壇社屋  
廟墟不臘夔梳夔子之江油泣嫁泣妻之靚髮嘆一足之  
遊魂憑四目之旱魃寒風刁而熱風燒舊風捲而新雲壓  
風固堯湯之伯封伯方易世抑何覺且伯封夏后天官君  
臣弱而盜發伯封吉甫愛子兄弟懷而鳥歸楛矢貫蝨黍  
離霑衣封豨脂脂雖悔可追翼軫多風鳥鵲南飛南風聲  
死師曠知微南風塵汚茂宏心非蜚蝗螟螣田鼠蚍蜉無  
禾無麥小曠大饑伯方故壘酒熟牲肥六月風息五日風  
譏樓雲爛熳山雨蜚微舊都舊國言告言歸必若驅車三

峽張壽五行大兵寒地積屍街城聚散龍鶴來往蒼鶻犯  
順鼻噪助孽狐鳴蜚廉開口蚺螭袒胸號伯方之遺黎  
大旱之偃兵兵旱仍而不已堯湯怒而徂征堯弓九合湯  
網三平含光宵練赤羽青莖自干鬼責往卽天刑羿戈風  
而簇飲畢零雨而盆傾况參狼之注弩兼商羊之排幣祝  
已封豨卷舌以水洗血歛衽虛除摠胸冷徹天收其聲地  
癘其熱雨暘燠寒稻梁菽麥田鼓鼉喧村豕肪截風不鳴  
條伯方懷德振姬以是爲請伯方自今爲節

與魏蔚州書

畢振姬

國家開邊三十年兵不罷勞民不怨厲政皆由舊資有

高平縣志

卷之二十一

藝文

三

國累世之積故也自成化以後言利之臣日腹月削垂二  
百年以趨於亂苛政斬艾其民亦各欲其子孫之長享豈  
逆爲 新王資哉蓋民窮久矣屋廬田產旣盡乃捐其父  
母兄弟妻子民亂而兵不戢天下之勢始去爲 新王之  
驅除難耳海內旣集 國家剗去勝國之苛政斥莊店禁  
開采免保馬蠲加派止營繕匠役除錦衣詔獄逐中官勅  
使罷訓練儲備四事九邊民壯省州縣起解以十萬數三  
十八府王糧歲免宗室侵冒以百萬數兵車徜徉於天下  
天下不知有兵倚五嶽奠四海用以驅策天下其勢立也  
衣租食稅謹正鹽筴不過鈔關抽分水衡鼓鑄數事而戎

祀祿餼在其中小學成疫瀉賊之數在其中與民休息塞天下望天下謳歌晏樂雖有變而民心不搖今昔豈有異民爲 兩朝盪滌苛政之病民者其意無日不在乎民也軍興問罪之師四出垂二年矣兵久連而不解租稅鹽筴鈔關抽分水衡錢匱 天子焦勞於上計臣義不能爲無項之供於是議開采議加派勝國開采之地加派之名色具在按籍徵求民何所避顧民不知開采知其屋廬田產耳不遑加派違其父母兄弟妻子耳民無屋廬田產父母兄弟妻子卽奈何其不亂也亂則中使必出刑獄必煩訓練儲備必急正恐問罪之師不在邊遠之三逆而在民民

高平縣志

卷之二十一

藝文

十一

共無如何矣夫三逆之通誅不足以煩 國家憂有叛將無叛民也民不奉戴三逆劫脅以從日夜望 王師之至乘三逆而救民水火之中今使民水濡火烈而莫之知備則是討逆之民苦於從逆之民絕民望也且從逆者閩粵滇黔涼益耳今爲閩粵滇黔涼益從逆之民困罷中國海內空虛兵不假一日休餉不餘一歲蓄苦哉斯民其視閩粵滇黔涼益蓋抑遠也閩粵滇黔涼益之逆何起乎起於顧命專政之大臣紛更 先帝約束招亡納叛貨賂公行城池兵馬錢糧委賊殆半內罷督府司道標兵益署提督外舉承昌水西海上後服之八前門拒虎後門進狼督

喜事少年尚見內外無事以爲尺一之詔諭藩若羣羊可  
以驅而往驅而來反者崛起兵連禍結鼉錯孔繁父死不  
足以謝天下顧天下民力竭矣盜賊直湏時耳若開采加  
派力竭而求進不已言利之臣自此始也長者疾前事不  
忠勇言天下利害必本 天子獎厲三軍憂憐百姓之意  
察內外諸臣推諉侵蔽不稱任屬之心謂宜條陳大計開  
廓 上心事勿避忌諱臣能盡言 天子能受盡言非古  
所謂主聖臣直乎漢唐聖主璽書不朝之王宣慰數叛之  
藩鎮卒使蠻中大長稱臣罷兵河中緇青軍士涕流切諫  
而不肯前處置當乎民心也先是平南王欲傳子自代退

高平縣志

卷之二十一

藝文

三

居遼東

天子嘉與平南之誠不問吳耿二逆二逆表請

徙封重違其意計封則尙耿同日計年則尙吳皆老使者  
冠蓋相望弩矢先驅觀望懷姦行留逆命吳逆子孫受戮  
不死於君竟死於父懷光子上變不免隗純何哉耿逆年  
少失圖聽人寄鼻以爲韓信死而彭越醢計出於無聊也

國家宣力宗臣爵爲真王徙封大國無故犯順盜邊

國家何負焉若能委身聽命悔罪罷兵許以滇黔王吳閩  
越王耿不廢佐命之勲代有分茅之胙此與王逆巨魁手  
刃經畧者不同二逆一或聽命專力西向討賊不憚征繕  
民其有瘳乎卽或至死不後所以息兵愛民至意是以諒

於天下矣師直爲壯請言先兵天下有可以力非有可以  
計圖非以力不可久久則頓弊而不振圖以計不可急急  
則僥倖而難全 國家得行兵之詭道長於用奇震蕩飄  
忽拉朽摧枯鞭弭所加捷如雷電此奇道之兵也燕巢于  
豫開隴平原曠野陸戰之地吾長於奇故勝民間久不知  
兵輕卒銳師郡縣驚潰吾長於攻故有以用其奇也今畏  
以大江複嶺阨以廣谷高山阻以紆塗繚徑我乘險以出  
奇則難彼恃險以制奇則易豈有連百萬之衆三面決勝  
首尾萬里二年蹊谷之間財竭力絀擁遏盤桓而不能進  
可以用奇者乎不用奇則用正以正兵踞吳楚之脊避鄧

高平縣志

卷之二十一

藝文

三

袁齊遙通郴桂抄宜春鉢醴陵穿徹湘東控引南贛招納  
楊寡婦潰兵形勢在我吳逆無耿耿逆無吳也耿偏仙震  
一嶺二年不能窺衛慮海上議其後耳我若不吝高爵許  
以興化世襲海上賊必聽命以海上賊臨耿虔兵建兵壓  
其西徯兵躡其北台兵畧其東惠潮兵諫其南犄之角之  
是以千鈞之弩潰癰也無耿逆矣如此我無東南之患吳  
逆與我深矣相持二年水戰不過岳陽陸戰不過荆郢此  
馬少也糧道遠無野掠也吳逆以反爲名將驕卒惰難使  
也阻揚河隴生苗內叛也不則米西糞焚之爲外患也河  
海遠雲南發閩使入麗江大者王以南詔大理小者王

以响町夜郎諭令去吳便宜從事開釋叛將各取功名我從積弛之餘轉戰於車不方執馬不並騎之山谷之間疾風雲電士卒若注壑之水水軍南下置之死地洞庭山谷連綿使人自爲戰水陸受兵賊必西走袁萍之師載出衡湘決障水於千仞之上湖南無吳逆矣羈之縻之可以徐圖進止如此我無西南之患東南饒信南康以湖爲壑可減戍卒之半西南撥拾瀟湘開諭交廣南過辰常西通鄧鄧以荆爲門可減戍卒之半兵減糧亦減矣荆郢之兵利騎我出亦此彼出亦此宜選騎而步卒可汰袁萍之兵利步我得亦便彼得亦便宜選步而騎兵可汰兵汰糧亦汰

高平縣志

卷之二十一

藝文

三

矣循利土兵土兵習道路冒險阻可以下發下嚴下處下疎南下青蒲所在客兵可移皖利客兵客兵控要害通舟車可以援灤援斬援饒援歙西援武昌南援龍江所在土兵可移兵移柵亦移矣行間關實精勇別爲中軍王卒使老成知兵者將領擁護其餘師衆使幕府諸將總統以爲戰卒其義從僱募名爲兵實役徒者使汛守楚之岳陽東西蒲來潛沔閩之建陽南北處撫饒信爲戍卒沙汰單弱遁逃編緝部伍押發均房鄖竹占種當興安塞商洛爲屯卒屯卒食力戍卒各食郡縣我之聲勢聯絡詭言不與兵抽餉亦抽矣此兵法之以正合也王逆竄入環原窺竊苑



馬東向可入榆林西向可入甘肅騎寇長驅延靈響應病  
寧塞德會寧安定被掠直抵臨鞏蘭河南入階秦上邽近  
聞退踞平涼蹂踐涇邠州縣賊若不滅秦人不能安枕而  
卧涼益雖分久持則合形同憂而兵趨利也以輕兵關隴  
蜀之胸駢割上邽天水以重兵拊環原之背固原若爲我  
有宜斷涇邠山路東師起延綏據花馬池定邊安邊等營  
不復受兵西師起蘭膳據金佛峽崆峒苦水清江安定不  
復受兵環原北面形勝扼塞之地山勢橫亘東西河道河  
橋二千餘里利占魚鹽人雜番漢賊既不爲獨坐窮山之  
滿俊我亦戒爲深入好水之任福使竇融燹王元使寇恂

高平縣志

卷之二十一

藝文

五

降高峻河西旣通高平自下坐胡牀陳祭器有以柅強寇  
而鉞其命橫山之謀青陽之計碛河之捷古人從天而下  
聲泉擊西神出鬼沒王逆授首蜀無能爲也我自比無西  
北之患此兵法之以奇勝也寧夏魚米可食大小池鹽可  
售涼州馬可牧李燧乞運八府之粟文貴舟輓河渭之糧  
抑亦迂矣我據袁萍連南顧吳耿之勢不合進守夔陵川  
湖之勢不合斷隴道涼益之勢不合賊勢不合天贊我也  
奇正之勢在我我之兵勢強分合之勢在我我之國勢亦  
強連百萬之衆佈勢疎而萬全計趨勢疾而日振於天  
石之下口力凡以爭先而處強也政強則勢強政弱則勢

弱強政用兵 兩朝之驅策天下是也弱政用民勝國自  
成化以後日賤月削斬艾其民是也故籌餉不如籌兵籌  
兵不如籌民振姬不知閩駱滇黔涼益從逆之民中國討  
逆之民則知之矣師之所過搜索男婦係累俘掠發掘倉  
窖蹂踐田禾牛驢轉餉踵軍無日夜其間軍市略賣人畜  
相視吞聲民無生氣既不保其父母兄弟妻子豈有屋廬  
田產哉民餉兵者也吏治民者也吏緣爲姦苟幸 國家  
之多事魚肉其民三逆負 國可問羣吏負 國難言姦  
尤橫行苞苴賄賂訴訟不理羣盜滿山嘉平除夕罷市噉  
噉可謂國有政乎哉無政何民無民何餉無餉何兵兵不  
高平縣志 卷之二十一 藝文 三

戢而民益亂兵吏上書益兵計臣上書益餉以勝國之弱  
政壞 兩朝之強勢此昔人所歎也漢唐宋之政盛區閩  
南詔西夏叛而不亂元之政衰閩越叛而亂方其盛也韓  
滉陳立史萬歲韋臯种世衡王韶制之有餘及其衰也龐  
勛黃巢起於南詔之役張士誠起於閩越之役齊萬年方  
孫醜奴姚令言起於涇原之役此數起者民也兵也非賊  
也勝國之征麓川不謂不強及兵去而滇黔交駱之賊不  
止亦民也鄧茂七以開采反閩越李自成以加派反夏原  
此數起者民也兵也皆賊視今三逆瘦而已平賊以兵不  
以冗兵養兵以餉不以虛餉措餉以民不以亂民治民以

政不以苛政坐食不職之兵而冗兵加派無名之餉曰虛  
餉恐厲不服之民曰亂民開米無稽之政曰苛政苛政之  
病民者弱政也 兩朝蕩滌苛政之病民者強政也宋儒  
有言處弱者利用威處強者利用惠羣臣忌諱不言 國  
家又以兵爲機密不問振姬欲長者進言亦以戒夫羣臣  
負 國不忠者除夕夜寧

重修飲泉堂記

白良玉

粵志飲泉堂自宋開寶六年建縣治之始而命名者其名  
甚美因名求實則甚難何也飲泉取茹茶潔清之義我輩  
父生師訓學古入官必期爲循卓爲賢能求無玷而無塵

高平縣志

卷之二十一

藝文

三

焉故是堂也出則南面臨民退則爾室屋漏內外繫斯左  
右乘之非志氣清明具幾先之哲鮮不於此而失之矣故  
曰因名求實則甚難也玉家世蜀梓潼服官居此時年五  
十有二今則五十有六矣料未來時宦海茫茫奔走名利  
之場英雄濟濟豈容空拳以往理所應得靜以俟之耳記  
已往事玉兵荒二十年車塵十載山巔水涯安危利害嘗  
試極熱一切冰冷似於泉有同氣者飲之何愧飲已四年  
如漁取吾民或一文一絲則泉等膏血矣官曰飲泉民曰  
飲鹹胡可一朝居此雖然日用飲食果此泉乎澹泊寧靜  
樂此泉矣退思頃刻視此堂矣矣法曰其身在內其福在

外衆耳目之細求乎我者舉視此矣取耳目舌行任坐卧  
一此如水之心慮之則淡如矣山今上至開寶間五百餘  
歲創建修補詳載志書凡木石之用動因民力傳至於玉  
若喜功沽譽獲罪於民卽獲罪於天平日焚香夜告何爲  
者祇以前後堂傾移欲摧如破縷懸絮無容針線廼請鄉  
紳廼告士民議重葺之無不曰可玉因自思足跡大半天  
下見古叢林善知識修造先備飢渴價資次則廼曰信而  
勞民君子事也願學焉鳩工筮吉衆競趨之煮茶辦飯民  
胥悅之彌月告成給價有數千來之風出於自然可見三  
代之直尙在斯民矣是爲記

高平縣志

卷之二十一

藝文

三

祭蝗文

牛兆捷

繼康熙歲在辛未六月市王牛兆捷憂旱之餘聞蝗自東  
南肆虐暴啗邑西北及王莊心怖欲死謹同本村某等扁  
香幣酒脯告奠汝蝗王之靈曰王怯入吾地垂四十年鄉  
民戴皇天而履后土皆謂不支忽再益以汝之貪暴雖肥  
鄉虞立盡羸者市玉探汝將鼓召奮翼以來旦夕可幸有  
生哉民有生汝無生汝有生民無生勢不得不與王爭命  
以原汝生謂汝生旱旱之久莫如景亳桑林汝曷以不敢  
來謂汝生亂亂之久莫如春秋二百四十年春秋書螽書  
螽書蠧書螟惟蝗無書時尙無飛而食人者汝曷亦不果

來汝之來始自秦罷侯置吏始自秦傳言吏侵奪也蠹生  
吏乞貸也蠹生吏冥冥犯法也螟生吏賊害無辜也蠹生  
汝貪暴加此輩遠尙待考蔡邕之對京房之占月令之記  
乃知汝所生必有貪生汝貪必有暴生汝暴汝激而來固  
將以暴易暴以貪儆貪極於以殺止殺以成上帝之生貪  
者暴者反飾爲不暴不貪群然踵建炎之脯禮修嘉定之  
圭璧甚則如乾祐中苦之太岳嵩高坐汝殺以歸罪汝汝  
何以不逮彼汝不托公計爲已肅直任肥身爲已福汝不  
舞深文以屯膏直任剛喙以風行汝長子孫不歸家室所  
過者化誹誹螫螫汝帥朋曹不限什百嚼合大群千里極

高平縣志

卷之二十一

藝文

三六

目故唐宗吞汝以爲仁姚崇捕汝以爲勇孫因論汝以爲  
智下如姚岳貢瑞汝以獻瑞激汝生者爭禳汝以市德知  
汝不服漢唐修救不修禳汝或服上世修政不修救汝且  
安於無生汝無生民有生上帝亦何忍必殺以成生而今  
既生矣汝文從皇汝首戴王皇王有帝制自恣之勢乃感  
湯仁解網則不入世感春秋殘不類後則不入名感魯恭  
循良中牟則不入境感提鷄進待命遇物直諫或亦可以  
不入鄉鄉無修救修政之任提無獻媚市德之才前苦肥  
蠹後悚蝻蝗雨陷而無所避墮蟪不得成心若懸於天地  
之間極知汝不受禳計不得不出此以上世不修禳周禮

豈必堦擊昆蟲求嘗不報恩或問王過西北東北竟不入余  
鄉此亦爲報非爲禳知報德者尙可有生於今世哉王雖  
貌爲貪暴其必有以宥我生况汝固將殺以成其生尙饗

馬游村安貞堡記

牛兆捷

昔實沈好兵故吾鄉俗尙武健而周秦漢宋之壘雜然距  
泣西偏曰馬游村俗獨好文有友人張家宸霞者止於此  
余性好奔逐山川古人蹟問村落所自來其長老爲余言  
南不至里地寬厥可十餘頃坪曰白起疑秦自起馬游焉  
故名余嘗醉登蘭相山頂按其鄉西逼空倉嶺不二十里  
南望古光狼城又東距省寬谷下不數里四顧心動疑長

高平縣志

卷之二十一

藝文

三

老語不虛殆亦一壘也而志畧或不傳或口今源潔泉里  
墟尙存廉頗冢焉余皆弗深考第以耳目所聞見闡獻逆  
姜之屬之蹂躪屠剝燹燬於斯者已三十年而今言者猶  
爲唏噓不置豈必粵若稽舊聞哉歲甲寅王良策馬大江  
上下游陝之南時用兵焉家宸感往事爲未然計謀作新  
堡苦不能就而乃叔張五鵬九獬者豪士也慨然遂以其  
身任一時屬而和者三十三人餘力弱或不願助者聽相  
形勢則得地於村西之鄭家坪創於二月吉十月告竣爲  
今堡堡圖畝十四徑四三分畝之二垣以土雉堞角嶄嶄  
高積三尋奇傑之門逆河水上流上臨城樓楹五方廣如

一修倍城下石爲室若左右環伺門門之衡又爲大士作堂以乞靈焉堡旣成鵬九則偕三十三人者約日殺牲釀酒登城平臨河共盟心於大神告無罪至日鄉長老不與事者皆爲勞鵬九羊酒遍三十三人鵬九合置大會廣列侍姬雜劇六博歌呼夜飲酒酣其長老共三十三人者同執盞呼曰鵬九吾鄉固古戰場也繼自今將世世有所憑依或不至罹往者憂戴吾子請盡吾盞鵬九一飲都盡爲醉舞答長老願勿言異日衆忽俯首牛飲喉棘不能通氣其七八姬者復爲小詞君馬驪曲低吟侑飲喁喁然相懽也已若相嘖而家宸氏忽正言曰吾聞思危而預防者安

高平縣志

卷之二十一

藝文

三

不狃安於一時者安以貞今同人豈若嚙耶吾方將以此名吾堡其急醒時舉座則又狂呼稱善而翼日家宸氏因過余囑記碑余旣重家宸請又壯鵬九之爲其鄉戶牖謀也獨能慮禍於無形而堡之而安貞之至矣猶若不敢竟視爲歌舞地者沉沉歌舞而忽未然其可爲鄉人哉且庶能安貞幾何而今也堡以之則後之稱此名自今始

晉城縣遺址辨

李青藜

晉城郡邑也邑遺址在郡城東北三十里高都村事詳郡誌城垣亦存或以郡治作縣治而先哲題體仁書院亦從此謂明道嘗作晉城令明道書院去郡城最近晉城縣治

亦必去郡城不遠則卽率晉城者斷晉城而晉城卽州城  
從可見矣雖然吾特恐於郡誌或未暇細按也夫郡誌稱  
明道建鄉校七十餘所明姜潤身題高平正蒙社學亦曰  
晉城書院必謂書院近郡城郡城卽晉城吾不識七十餘  
所鄉校凡散列郡屬者亦將咸稱晉城乎高平書院稱晉  
城書院亦將謂今之高平卽昔之晉城乎且夫郡誌建置  
沿革辨之詳矣一稱唐高祖武德三年析丹川置晉城縣  
隸澤州夫丹川爲隋文帝開皇十八年改高平所建澤州  
初建於隋文帝開皇三年再復於恭帝義寧二年至唐不  
析澤州置晉城而析丹川置晉城則晉城城垣所建之地

高平縣志

卷之二十一

藝文

三

屬丹川不屬澤州明甚夫城垣所建之地且不屬澤州又  
安得謂晉城卽澤州且綱目稱建州本秦高都縣地後魏  
置建興郡置高都城兼置建州隋改建州爲澤州治丹川  
縣夫澤州治丹川則丹川卽係澤州而析丹川置晉城則  
晉城不仍在丹川城內可知其不仍在澤州城內又可知  
卽後太宗貞觀元年廢蓋州徙澤州治晉城然似亦不過  
借晉城寄澤州亦如武德八年廢建州徙蓋州治晉城又  
置澤州治端氏矧天寶元年尋已改澤州爲高平郡肅宗  
乾元元年復改高平郡爲澤州以此觀之澤州且不必仍  
在晉城又安得謂澤州卽爲晉城一稱宋太宗至道三年



分天下州軍爲十路澤州屬河東路領縣六高平陽城晉  
城端氏陵川沁水次晉城果卽澤州如今之附郭縣則必  
先晉城而後高平五屬乃先高平陽城方次晉城則澤州  
之非卽晉城亦約畧可見矣一稱明太祖洪武元年以晉  
城併入澤州隸平陽府九年改隸山西布政使司屬冀南  
道領高平陽城陵川沁水四縣夫曰併則必戶口與戶口  
併土田與土田併至澤亦有土田戶口則晉又奚必卽澤  
澤又奚必卽晉卽曰併土田戶口爲併併官衙公署亦未  
始非併然卽論衙署試問郡城內縣署遺址安在但舊誌  
于元時有附郭二字或自元晉城始附澤州城內至明太

高平縣志

卷之二十一

藝文

三

通方廢晉城省入澤州亦未可知然要之元以前晉城卽  
高都則斷斷如也况古蹟誌垂棘則曰縣南地名垂棘之  
蓋出此蓋高都南不半里垂棘洞在焉內有石堅而潤鑿  
澤而光潔則觀垂棘而晉城可知山川誌丹水則曰在郡  
東里許夫郡東里許無丹水高都東里許有丹水其不言  
晉城而言郡者蓋統縣于郡以爲言非卽縣卽郡以爲言  
則觀丹水而澤州之非卽晉城亦從可知矣且夫晉城得  
名豈真自唐始哉昔春秋韓趙魏三分晉地嘗置晉公奉  
祀高都州誌亦稱韓趙魏置晉公奉祀高都故高都得名  
晉城後唐延晉城地則猶是號亦山舊一山山唐而後雖或

名晉城或不知晉城而晉城之城址遺址則千古常如一  
日矧高都西城外景德寺大殿東廳下卧碑又確乎可據  
按寺自唐創始名慈善至宋真宗景德四年僧道始緣  
工部尙書同平章事諱旦王文正公叅知政事諱安仁趙  
公諱拯馮公等具題奉敕改慈善爲景德至金太和八年  
道始徒裔方舉前事並勅命勒石前鑄澤州晉城縣僧道  
始后鑄寶帖景德寺中鑄勅命並諸大老官銜如左出此  
觀之設使晉城在澤州不在高都則必高都之名仍存而  
前書澤州晉城縣僧某必繫高都于晉城縣下曰澤州晉  
城縣高都僧某后書寔帖景德寺必冠高都于景德寺上

高平縣志

卷之二十一

藝文

一

曰寔帖高都景德寺乃前後會無一辭及高都則必其時  
晉城卽在高都而稱晉城遂早削去高都之名可知而僧  
卽晉城之僧寺亦卽晉城之寺又可知夫寺僧俱晉城之  
僧寺在當時又絕無一字及高都而止言晉城則高都卽  
晉城又無不可知苟必舍此別言晉城當宋景德金太和  
年間具題與勒石者有高都而必故遺高都之名非晉城  
而必硬坐以晉城之號其舛一至是哉予生高都也晚共  
得聞晉城之名亦最遲及長覽郡誌並雜考頗味其詳因  
示禁授筆謬者其辨

程明道先生爲晉城令立鄉校六十餘所手正兒童所習書句讀及與記及縣誌晉城卽今高平也余於康熙丙子歲宰此念先賢作令數非俗吏所能爲立鄉校以正兒童句讀其卽記所謂化民成俗其必由學易所謂蒙養以正之意也卽欲造一課士書院以繼遺意而名之曰宗程惜其時未暇地且未卜也乃聚博士弟子之少而有志及童子之可教者於署東之公館而提命之繼則遷於尊經閣之兩廊至丁亥歲訪有敗屋廢址久而難售者往視之則棧屋門在其東而南臨小巷北倚學舍其西則官地也寂無匹鄰以之造書院也允宜始捐俸購之其官地西接關

高平縣志

卷之三十一

藝文

三

帝廟前路之石旁則灰積如邱命傭工者移去計其值與購屋之價相半於是葺舊宇築新舍肄業之所咸備焉此東一院也北爲廳事廳右旁有廂南爲臨巷之大門門左右有簾屏牆列於門之外是爲中一院此院之西植松二十餘株而築牆以蔽之掘砌池蓄水作亭於池上以移守泗州之期迫乃寢兩院書舍凡三十有五間而敗物廢址土木營造之費約五百餘金工始於丁亥之四月六日竣於戊子之九月十日董其事者少尹李君霞城洎驪宰高弘道也落成召諸弟子而告之曰士習民風相爲表裏吾所以造此書院者爲諸弟子計正爲一邑之人心風俗計

書院以宗程名願諸弟子稟與焉惟程是宗也明道先生  
教人治國平天下自誠意始學者實心爲學斯爲真學問  
實心立品斯爲真人品是之謂誠無論達而在上功垂不  
朽卽伏處牖下一言一動羣相則微士習端則民俗醇其  
所補者大矣諸弟子其勉之反是則不得爲宗程書院之  
人無入此門可也諸弟子其戒之至若鑒余造此書院之  
苦心以廣明道鄉校之教是所賴於後之良有司矣

重修東關炎帝廟碑記

柯貞幹

羊頭峙高平縣治之北在昔相傳古炎帝神農氏藝五穀  
處其上有帝陵焉陵之下卽藝穀圃也蓋粒食之原坊於

高平縣志

卷之二十一 藝文

三

此詩曰粒我蒸民莫匪爾極帝之功德萬世永賴矣歷代  
崇報之與春秋二仲立廟祭焉所謂上廟者是廟去縣治  
幾四十里祭之期恐遠不逮焉爰附東郭立廟今所謂下  
廟是也問廟之建無有能言其創始者其重修則自宋元  
以迄明諸碑記悉載之入我

國朝舉先代帝王有功德於民者悉修其陵寢命有司致  
祭而茲廟以僻在山城歷年來風雨漂搖鳥鼠窟伏垣頽  
簷墮瓦裂榱崩雖春秋之祭未嘗不舉而修以新之則有  
待乎其人癸酉春余承乏茲土因父老之郊迎暫憇於廟  
日擊其頽圯荒涼惻然動維新之志而未之逮也越明年

諸政事粗理余敢謂德及而信乎信乎而人和哉而公餘多暇乃率廟社人氏而語之曰爾等食德飲和忘粒食之原乎而忍俾帝之廟貌傾圮一至於此於是余捐微俸復爲廣募闔邑紳衿耆庶以襄厥事按廟正殿三大楹儼古宮殿規模兩偏小殿宇仍其舊殿之後正庭五楹東西耳樓上下各十楹週垣壁立殿之前欄以月臺臺之前甬道東西兩廊十四楹廊之南食房茶房各二楹而立舞樓三楹虛其下爲神路東鐘樓下角門主八輔以耳樓三楹西鼓樓下角門主出輔以耳樓三楹山門五楹視昔制高大之臨大路以壯偉觀工始於甲戌之夏訖乙亥之冬乃告

高平縣志

卷之二十一

藝文

三

竣廼墜廼塗爰丹爰葺奐奐輪之美邇延野綠遠混天碧翠屏障其左丹水自北而東爲濼繞西挹金峯之爽氣南望游仙於斯拱翠而又方帝日中之市四月維夏因廟社之會聚四方之民陳百貨而交易之名得其所禮行樂作神人胥悅此則極廟之勝槩擴高平未有之大觀也余維高平自辛未旱荒民艱於食者三年何堪土木之舉乃余歷任之歲卽獲有秋及廟工之興而風雨以時年告大有婦子寧而百室盈矣安知其非帝之靈貺率胥下民以誣此也况

國家日以愛百姓爲仁諄諄愛百姓莫切於立養而興教修

茲廟也民知我育本而廟堂又請修學校及  
文昌之閣奎光之樓以廣教化而美風俗夫宜

朝廷之德意俾百姓食德而興行良有司之事也余敢謝不  
敏哉後之繼余之理者觀余之作其亦可以知余之志而  
爲可繼也夫與人之論請以余言勒諸石以作後來者法  
庶廟貌之莊嚴與羊頭之陵與藝圃並壽不磨

明道程先生祠堂記

朱棫

晉城舊縣去今澤州郡東三十里唐武德元年析丹川置  
隸澤宋治平四年明道程先生來宰是邑先生躬行心得  
接數千年絕而復續之聖道於遺經此萬古絕續之會之

高平縣志

卷之二十一

藝文

三

一人配享孔庭祠祀寰宇非祇爲一鄉一邑之思企然被  
其澤每不忘其人此又一鄉一邑之思企所不能一日忘  
者也按前志先生令晉城時置社會行保伍俾民聯屬集  
義勇較藝可當一軍尤加意無告而卹及行旅其政類多  
安集民生使之相養相保以延於無窮時五代後民未向  
學擇秀異者與之講明義理設鄉校凡七十餘所行縣時  
親爲兒童正句讀仁者之學術見之施行正大異乎俗吏  
者之所爲也先生曰苟存心於愛物於人必有所濟尊所  
聞行所知先生真不負行及則天行丈則丈不以一邑而  
小不以天下而大放乎四海而斂乎方寸月印萬川而萬

川皆月道之不隔隨在畢陳獨立乎萬表而周浹乎衆有  
千百世下聞其風履其地緬其教思而欽其德意莫不慨  
然想見其爲人而况吾澤哉而况吾澤之人之親被其風  
教起而善良達乎隣境通乎大都者哉而况樟實來守是  
邦爲先生所曾進斯民而煦嫗之覆育之涵濡而利導之  
之地乎哉唐俗勤儉舊有遺風斯上爲太行包孕積厚所  
載宜乎氣靜而俗淳又得先生之澤化至今猶有餘韻焉  
雍正十二年春奉

簡書而來思布政教以仰副

聖天子覃敷之治人郡考先賢祠廟爲國人之矜式者於

高平縣志

卷之二十一

藝文

三

上丁展祀典而先生祠在學宮西偏湫隘翳廳上漏旁風  
榱桷半朽念先生爲斯民父母千萬世所宜風厲而不忘  
者而祠祀不謹是守土責也因是與鳳臺邑令羅君著藻  
及里中士大夫共謀而新之限於方隅卽其處稍加闢拓  
立門一區顏曰宋晉城令明道程先生祠內堂宇五楹爲  
春秋奠爵之所左右小齋廊各一中設像仍前志也嗟乎  
先生去而鄉校湮元時縣令亦有相繼續興者而究不易  
久延第此郡人士率多淳良處山谷中不見外事歐陽公  
所謂安於畝畝學校者誠能入廟思敬蹶然興起奉其遺  
書則先生之學之教悉在學人篋衍中出而負耒入而橫

程以無忘先生舊時諱呼無一人不欲其篤行好修勉以  
得德禮之所爲則鄉校之興廢自在人心無勞過客之啼  
嗚是先生之志也是余守土者之責望也謁先生祠先生  
之神明猶在斯猶在斯亦樂而享是邦之食飲也工肇於  
是年之夏於其冬落成因譔明道程先生祠堂記著於石  
勸助修高平學廟引

至天子在上崇儒重道凡直省學校悉令有司及時勤加修  
葺造入交代冊籍以垂永久以光祀典制甚詳且盡也高

高平縣志

卷之二十一

藝文

四十一

平縣學丹雘剝落急需修整邑令褚侯以議葺事來告棹  
親詣黌宮見其荒蕪不治正殿北極瓦椽零損 崇聖祠  
中楹崩漏風雨飄搖目視心駭此皆前有司漫不經心之  
故用是與褚侯謀所以新之褚侯蒞任始能振廢舉墜而  
學校允宜先諸務固褚侯之事亦諸士大夫責也茲播告  
衆鐸之師儒及邑之賢士大夫應勉力助襄共殫厥功夫  
佛教廣宣其宮殿庖福一僧持疏乞告尙能輸金其成福  
果况吾 夫子之宮墻諸生肄業講習其中者而聽其荒  
蕪不治甚非所以見黌牆肅瞻拜之義也樟丞郡守捐俸  
如予諸君子其卽樂爲鳩工聿新廟貌深育厚望矣



冀土郡邑多山環水抱而韓山丹永則高平冠帶也丹水  
源發鳩山邑西北達東南暑雨暴漲滙涘間屢駭震蕩通  
邑皆然按邑禹貢爲畿輔支邑秦漢數更置至北齊移治  
高平始肇今名然莫攷池隍何地宋開寶六年邑侯咸弼  
楊公始相地脉建城金峯七佛間爲金龜飲水形而北東  
面適當丹水西折而東之衝沿北築河堤防水溢時暫時  
修其來舊矣近誌順治十一年邑侯范公暨邑紳李少司  
馬協憂河患完固石堤立河神廟爲鎮迄康熙丁巳六月  
大水涌涌無慮千尺雷响電激沸騰神廟蕩沒沉溺百餘

高平縣志

卷之二十一

藝文

記

人東廂民舍漂傾過半而向所謂完固之石堤不復完矣  
顧後邑豐稔不常蒞治者亦日不暇給河堤因循漫滅垂  
五十年不治迨今雍正元年甘父母蒞茲土登城北顧臨  
河逼城不里許謂某等曰是苟無堤堰以捍河澍恐終爲  
城患奈何因遍諭紳衿衆庶以復堤事而衆躍然興曰甘  
父母持鶴琴之介節著蒲鞭之和平治行優異豈久棲枳  
棘者猶戚戚爲邑城憂不虞吾儕土著可負此盛意乎于  
是爭先輸納人負車輓不兩月瀾粟山積以助河工甘父  
悅然亟進某等告以萬衆之好義獲堤之有資乃興功  
衆權用度計尋丈審高卑定修短一畝復負車瀾粟備器職

要職詳期不漁不惰以終厥功某等承命竭力殫思自冬  
溫夏重滿任復耑楫蟻旋車牛魚貫砵磅惟罄斯夕盈三  
石歷八閱月乃告竣計當水衝築石堤長六百尺高一十  
八尺計用銀米與里甲羈輸之數適符功已建亭堤上墜  
石碣以誌侯之德於不朽曰河屆暑雨輒逞威神激輪迴  
鞠城弱城堙維侯愷悌憫茲民人雖非大戾水不妄侵有  
備無患乃獲高枕修築論衆衆志欣欣感侯之素撫宇勞  
心感侯之慎斷獄平允鷄犬不驚萬耦千耘士誦商遂樂  
業安羣茲捍河濟祇爲邑補踴躍蠲輸子趨慈母畚鍤紛  
興時勤慰撫土緻石堅泐澆莫侮用捍金城神人安堵財  
高平縣志

卷之二十一

藝文

聖

力衆擊實伊侯功士民私願實侯成韓山峻峻丹河澗  
澗佩侯大德與共峙行若帶若礪毋潰毋崩爰鐫文石千  
載斯銘

當不知其幾而民之默受公德者又當不知其幾詩云凡  
民有喪無劓救之其公之謂乎余辱在屬吏喜誦明德雖  
辭不能文而念不可已敢勒之石以垂公之德於不朽公  
諱廉由癸未科進士直隸元城人

高平縣志

卷之二十一

藝文

七